

Dornskridoù Milin : Kanaouennoù

76. BREZONEK EURIOU, BREZONEK AOUTROU

N'ouzon perak eo deut ar c'hiz
 ma klask pep den mont da vourc'hiz.
 Kenn enn dillat, kenn er c'homzou
 e c'hoantaer beza aotrou
 enn oll guisiou e zeuz abek
 men a gaf zoken er prezek
 rak ar gounnar da c'hallegat
 a sklabez ar brezonek mad.

Me glask ar penn euz eur seurt guiz
 a blij kement d'ar iaouankiz.
 rag ar re goz divar ar meaz
 a lavar c'hoaz brezonek freaz
 koulz a ma ra mignonet Breiz
 a skriv evid breuriez ar feiz.
 hoguen etouez ar re iaouank
 ar re zic'hallek n'int ket stank.

Me 'c'houlen 'ta petra ra tro
 da beurgas brezonek ar vro.
 Meur a dra 'zo, mar be amzer
 d'ho lakaat oll var baper
 Ia, meur a rum 'zo da damal
 Klevet a rear brezonek fall
 gant kement 'zo a iaouankiz
 e c'harlipat e ti'r bourc'hiz.

Ha dreist oll gant ar merc'het-se
 a gav mad ho banne kafe
 O tarempred ar vourc'hizez
 e teskont forz gueriou nevez,
 sklabez gallek, kamanbreou
 ha n'int ket great dioc'h ho guenou :
 - " En em retirit var ann heur,
 etoufi 'ran gant ar chaleur ". -
 Eme hunan ha brema bloaz
 ne wie ket eur guer gallek c'hoaz.
 Ma vije bet he guenou iac'h
 e dije lavaret ar plac'h
 " en em dennit, list frank ann or
 miga 'ran ama gant ar c'hor ".
 Abaoue m'ema var dro kear

ne c'houzaon mui brezonek sklear.
gant he c'haosiou e laka tron
mont a rank ive var an ton
dioc'h ma vel gant ar strinkellou
'zo var ho fenn frizillonou
par enn oll da zimezelled
ma ne zantdent c'hoaz ar mogued.

Me a oar c'hoaz pere a vez
o tigaz brezonek nevez :
ar zoudarded enn ho distro
a vac'hagn brezonek ar vro.
evit beza lakeat gwechek^o ° Komp.: gouiziek
e c'hallegont e brezonek.

Brezonek, gallek, touez e touez,
livirit din pebez lastez !
ha gouskoude setu heno
prezeguerien var ho meno !
Ia, c'hwi lavar, prezeguerien,
Ma na vijent koz fouguerien . -

Neket eta ar presbytal
a ro ann oll vrezonek fall.
e pep micher, e pep stad
e koller ar brezonek mad.
mez ar re wasa, enn eur guer
eo ar re her laz var baper;
Ho fluenn bilimuz a ro
d'ar brezonek taol ar maro.

Netra na deo kerkoulz rannet
evel ma zeo bet ar spered.
er rannou all e kaver kem
a ro aliez tro da glem.
ar spered 'zo ingalet mad :
Netra da denna, da lakad
ne deuz enn deun hini ker zot
na ve laouenik gant he lod.

hak hennez eo ar penn abek
ma skriver kalz a vrezonek,
brezonek briz ! brezonek treuz !
brezonek mad da ober heuz !
rak me lavar hep troidel
Kemesk gueriou kenn dishevel
a ro sonj a voued dislonket
gant ar stomok hanter gozet.

Dornskridoù Milin : Kanaouennoù(Brezonek euriou, Brezonek aoutrou)

Klévit va ioul p'emaon
 daoust a perak ho defe aon
 ar re a skriv d'ar vretonet
 da veza gantho ententet ?...
 E leac'h latin ha koz c'hallek
 perak ne lakeont brezonek,
 brezonek flam dioc'h m'eo ar c'hiz
 gant ar re goz euz hor broiz.
 Kement-se a zo eun dra eaz
 d'ar re 'zo ganet var ar meaz.
 Pa c'hallegont hep eunn euriou
 neuze leal e troont ho guenou;
 e guiz pa ve ar brezonek
 eo a rofe skwer d'ar gallek;
 hag ho brezonek var baper
 dioc'h ar gallek a guemer skwer.
 Nep a gemesk ann daou brezek,
 ne oar na gallek na brezonek.
 rak n'en em c'hreont, pa lavaran,
 mui gued ann dour hag ann tan.

Kalz a zo a gav eunn henor
 gallou prezek evel eul leor,
 hoguen ne dalont tam
 evid deski brezonek flam.
 Sonjal a rit ez int brezonek
 ha beac'h dez-ho beza gallek
 ha gouskoude arabad 've
 ober anez-ho re a fae.
 Mar deuz enn-ho da abegui
 e zeuz ive kalz da veuli
 Ne c'hoarzan ket, bez'int traou
 hag a ra vad e kenver gaou.
 Me hane tud hag a zo gwest
 d'ober ho marc'hat gant tud Brest
 - me lavar tud divar ar meaz, -
 hag a zo gwest da verza leaz,
 gwerza viou ha gwerza pesket,
 gant ar gueriou ho deuz desket
 var al leoriou a oa enn dro
 o skuill gallek dre ar vro
 ha gant amzer var boez ho lenn

e teufemp oll da vourc'hizien.

Ouspenn a so : ar re ho gra
 a c'hounit gantho peadra
 hag hep terri kalz ho fennou
 da greski ho aluzennou.
 hoguen ato e lavaran
 n'euz ket enn-ho brezonek glan.
 Me ne velan var al leoriou
 nemet brezonek briz-aoutrou
 ha mar kirit din-me kredi
 neket ar re bet er studi
 paotret skol, rederien kear
 a lavar brezonek sklear,
 mez ar re ho deuz d'ar zuliou
 eur chapeled eleac'h euriou.
 Gallek aoutrou, brezonek kouer
 a zo mad da guemeret da skwer.
 Gallek kouer, brezonek aoutrou
 n'int mad nemet da verza viou.
 Daoust m'euz aoutrouien gouskoude
 a c'hoar brezonek ive
 tud a lignez, stard er feiz,
 a wenn dez-ho karet Breiz.

Klevit eta pere 'ro tro
 da laza brezonek ar vro.
 Soudarded bet, ar pennou touz,
 briz-vourc'hizien, merc'hed lipouz
 kouenchet mad ha livet fall;
 ne gredan henvel ar re all.
 - ho c'harakter ha pa na ve ken
 a vir ouzin na hanvan den.-
 ar re ze gant ho c'hoz gallek
 eo a gaillar ar brezonek;
 ar re ze eo a gav honor
 gallout komza evel eul leor.

Hoguen, Breiziz, etrezomp-oll,
 setu ama petra hor c'holl :
 kement-so var skritur moull
 ar pezh na dal eul liard toull
 ha pa ve paour keit ha paour
 ni er c'hemer evid aour.
 ha mad eo beza direuz° ° Komp. : Direvus
 henn hent-se eo beza euruz. (di-refus)

Dornskridoù Milin : Kanaouennoù(Brezonek euriou, Brezonek aoutrou)

ne roer ket d'ann den he ziviz
e leac'h koz brazet, fleur-gwiniz. -

Mad e ve din-me rei peoc'h;
gouskoude e livirin deoc'h;
ann traou ha n'ho gouzanvan ket.
n'oun ket laouen ouz ar boan dent,
ouz ar rem nag ar goent,
oc'h ann naon nak oc'h al laou
nak oc'h brezonek ann euriaou.

V. Roudaut ptre

Great emez-ha, eunn nozvez ous sklerijen al loar.
Ce fragment était accompagné de personnalité fla-
grantes et de parodies mordantes que l'auteur a
détruites.- par charité.-

vvvvvvvvvvvv

(Diwarbenn Visant Roudaut, sell. ouzh Istor lenn-
egezh vrezhonek an amzer-vremañ, gant Abeozen, p.
94, niv. 144.)